

坤輿典第七十卷

輿圖部彙考二十八

唐二

按唐書地理志河南道蓋古豫兗青徐之域漢河南弘農潁川汝南陳留沛泰山濟陰濟南東萊齊山陽東海琅邪北海千乘東郡及梁楚魯東平城陽淮陽舊川高密泗水等國暨平原渤海九江之境洛陝負河而北爲寶沈分負河而南號汝許及新鄭之地爲鵠火分鄭汴陳蔡潁爲壽星分宋亳徐宿鄆曹濮爲大火分兗海沂泗爲降婁分青淄密登萊齊棣爲元枴分滑爲姬訾分豫爲星紀分爲府一州二十九縣百九十六其名山三嶠少室砥柱蒙澤嵩高泰岳其大川伊洛汝潁沂泗淮濟厥賦絹絰棉布厥貢絳布葛席璚璫璆

東都隋置武德四年廢貞觀六年號洛陽宮顯慶二年曰東都光宅元年曰神都神龍元年復曰東都天寶元年曰東京上元二年罷京肅宗元年復爲東都 皇城長千八百一十七步廣千三百七十八步周四千九百三十步其崇三丈七尺曲折以象南宮垣名曰太微城宮城在皇城北長千六

百二十步廣八百五步周四千九百二十一步其崇四丈八尺以象北辰藩衛曰紫微城武后號太初宮上陽宮在禁苑之東東接皇城之西南隅上元中置高宗之季常居以聽政都城前直伊闕後據中山左瀍右澗洛水貫其中以象河漢東西五千六百一十步南北五千四百七十步西連苑北自東城而東二千五百四十步周二萬五千五十步其崇丈有八尺武后號曰金城

河南府河南郡本洛州開元元年爲府土貢文綾繒縠絲葛埏埴盎缶荀杞黃精美果華酸棗戶十九萬四千七百四十六口百一十八萬三千九十二縣二十有府三十九曰武定復梁康城柏林巖邑陽樊王陽永嘉邵南慕善政教葦洛伊陽懷音軹城洛汭邠鄆伊川洛泉通谷潁源宜陽金谷王屋成臯夏邑原邑原城鶴臺函谷千秋同軌饒濟溫城具茨寶圖鈞臺承雲軒轅

河南 赤垂拱四年析河南洛陽置永昌縣永昌元年更河南曰合宮長安二年省永昌神龍元年復曰河南二年又曰合宮唐隆元年復故名有洛漕新潭大足元年開以置租船龍門山東抵天津有伊水石堰天寶十載尹裴迴置有瀍水避武宗名曰吉水宣宗立復故名

洛陽 赤天授三年析洛陽永昌置來庭縣長安二年省神龍二年更洛陽曰永昌唐隆二年復

故名

偃師

畿天寶七載尹韋濟以北坡道迂自縣東山下開新道通孝義橋西北有故富平津河陽

故關

鞏

畿有洛口倉

緱氏

次赤貞觀十八年省上元二年復置有恭陵有和陵在太平山本懷來山天祐元年更名

東南有轅轅故關

陽城

畿武德四年王世充僞令王雄來降以陽城嵩陽陽翟置嵩州又析三縣地置康成縣貞

觀三年州廢省康成萬歲登封元年將封嵩山改陽城曰告成神龍元年復故名二年復爲告成

天祐二年更名陽邑有測景臺開元十一年詔太史監南宮說刻石表焉

登封

畿本嵩陽貞觀十七年省入陽城永淳元年營奉天宮分陽城緱氏復置二年省光宅元

年復置萬歲登封元年更名神龍元年曰嵩陽二年復曰登封嵩山有中岳祠有少室山有三陽

宮聖曆三年置

陸渾 畿有鳴臯山有漢故關

伊闕 畿北有伊闕故關有陸渾山一名方山

新安 畿義寧二年以縣置新安郡武德元年曰穀州以熊州之澠池隸之并析置東垣縣四年省東垣貞觀元年來屬有長石山

澠池 畿貞觀元年徙穀州來治西五里有紫桂宮儀鳳二年置調露二年曰避暑宮永淳元年曰芳桂宮弘道元年廢

福昌 畿本宜陽義寧二年以宜陽澠池永寧置宜陽郡武德元年曰熊州三年更宜陽曰富昌因隋宮爲名四年以洛州之壽安隸之貞觀元年州廢以福昌永寧二縣隸穀州六年徙穀州來治八年以虢州之長水隸之顯慶二年州廢以福昌永寧長水來屬西十七里有蘭昌宮有故隋福昌宮顯慶三年復置有女几山

長水 畿本長淵隸弘農郡義寧元年更名武德元年隸虢州貞觀八年隸穀州顯慶二年來屬有錫西有高門關松陽故關鵠鵬故關

永寧 畿本熊耳義寧二年更名隸宜陽郡武德二年以永寧嶠置函州八年州廢以永寧隸熊州嶠隸陝州西五里有崎岫宮西三十三里有蘭峯宮皆顯慶三年置

壽安 畿初隸穀州貞觀九年來屬西一十九里有連昌宮顯慶三年置西南四十里萬安山有興泰宮長安四年置并析置興泰縣神龍元年省有錦屏山武后所名

密 畿武德三年以縣置密州并置零水洧源二縣四年州廢省零水洧源以密隸鄭州龍朔二年來屬有羽山

河清 畿本大基武德二年置隸懷州八年省咸亨四年析河南洛陽新安王屋濟源河陽復置并置柏崖縣尋省柏崖先天元年更名會昌三年隸孟州尋還屬後廢咸通中復置有柏崖倉
潁陽 畿本武林載初元年析河南伊闕嵩陽置開元十五年更名西北有大谷故關倚箔山有鍾乳貞觀七年采

伊陽 畿先天元年析陸渾置有太和山有銀銅錫伊水有金

王屋 畿元德元年更名邵伯隸邵州貞觀元年州廢隸懷州顯慶三年復故名來屬有王屋山

汝州臨汝郡雄本伊州襄城郡貞觀八年更州名天寶元年更郡名土貢絕戶六萬九千三百七十四口二十七萬三千七百五十六縣七 有府四日龍興魯陽梁川郟城

梁 望本承休又有梁縣在西南四十五里貞觀元年省梁更承休曰梁西南五十里有溫湯可以熟米又有黃女湯高宗置溫泉頓有石樓山永仁山

郟城 緊

魯山 上王世充置魯州武德四年廢俄以魯山滎陽復置魯州貞觀九年州廢省滎陽以魯山來屬有堯山有銀有漢故關

葉 緊本隸許州武德四年以縣置葉州五年州廢隸北澧州貞觀八年隸魯州州廢隸許州開元二年以葉襄城及唐州之方城豫州之西平許州之舞陽置仙州二十六年州廢縣還故屬未幾以葉來屬大曆四年復以葉襄城置仙州又析置仙鳧縣以許州之舞陽蔡州之西平唐州之方城隸之五年州廢省仙鳧餘縣皆還故屬有黃城山白石山

襄城 望武德元年以縣置汝州并置汝墳期城二縣貞觀元年州廢省汝墳期城以襄城隸許

州開元二十七年來屬二十八年還隸許州天寶七載復來屬

龍興 上本湍陽武德四年置貞觀元年省證聖元年析陝城魯山復置曰武興神龍元年更名中興尋又更名

臨汝 上先天元年置有消暑宮在鳴臯山南貞觀中置

右都畿採訪使治東都城內

陝州陝郡大都督府雄本弘農郡義寧元年置武德元年曰陝州三年兼置南韓州四年廢南韓州天寶元年更郡名天祐元年爲興唐府縣次畿赤哀帝初復故土貢麝麥栝蓏柏實戶三萬九百五十八口十七萬二百三十八縣六 府十五曰曹陽崇樂華望安城桃林夏臺萬歲安戎河北忠孝上陽底柱夏川望陝古亭

陝 望有大陽故關卽茅津一曰陝津貞觀十一年造浮梁有南北利人渠南渠貞觀十一年太宗稟幸使武侯將軍丘行恭開有陝城宮有廣濟渠武德元年陝東道大行臺金部郎中長孫操所開引水入城以代井汲有太原倉有峴山

峽石 上本嶠義寧二年省武德元年復置貞觀十四年移治峽石塢因更有底柱山山有三門河所經太宗勒銘有繡嶺宮顯慶三年置東有神雀臺天寶二年以赤雀見置

靈寶 望本桃林義寧元年隸號郡武德元年來屬天寶元年獲寶符於縣南古函谷關因更有洹津義寧元年置關貞觀元年廢關置津有桃源宮武德元年置

夏 望本隸虞州貞觀十七年隸絳州大足元年來屬尋還絳州乾元三年復來屬

平陸 望本河北隸蒲州貞觀元年來屬天寶元年太守李齊物開三門以利漕運得古刃有篆文曰平陸因更名三門西有鹽倉東有集津倉有瑟瑟穴有銀穴三十四銅穴四十八在覆釜三

錐五岡分雲等山

號州弘農郡雒本號郡治盧氏義寧元年析隋弘農郡三縣置貞觀八年徙治弘農天寶元年更郡名土貢絕瓦硯麝地骨皮梨戶二萬八千二百四十九口八萬八千八百四十五縣六 有府四曰鼎湖全節金明開方

弘農 緊本隋弘農郡義寧元年曰鳳林領弘農閩鄉湖城武德元年曰鼎州因鼎湖爲名貞觀

八年州廢縣皆來屬神龍初避孝敬皇帝諱曰恆農開元十六年復故名南七里渠貞觀元年令元伯武引水北流入城

閿鄉 望貞觀元年來屬有潼關大谷關武德二年廢有鳳陵關貞觀元年廢有軒遊宮故隋別院宮咸亨五年更名

湖城 望義寧元年置乾元三年更名天平大曆四年復舊有故隋上陽宮貞觀初置咸亨元年廢縣東故道瀕河不井汲馬多渴死天寶八載館驛使御史中丞宋渾開新路自稠桑西由晉王斜有熊耳山覆釜山一名荆山

朱陽 上龍朔元年隸商州萬歲通天二年隸洛州後來屬有鐵

玉城 上義寧元年置

盧氏 上武德元年置南有朱陽關武德八年廢

滑州靈昌郡望本東郡天寶元年更名土貢方紋綾紗絹薦席酸棗人戶七萬一千九百八十三口四十二萬二千七百九縣七 有宣義軍大曆七年置本永平十四年徙屯蔡州興元元年復還貞

元元年曰義成軍光啟二年更名

白馬 望 衛南 緊

匡城 望有長垣縣貞觀八年省

韋城 望王世充置燕州僞刺史單宗來降復爲縣

胙城 緊武德二年置胙州并置南燕縣四年州廢省南燕以胙城來屬

酸棗 望本隸東梁州武德三年析酸棗胙城置守節縣四年省貞觀八年州廢來屬

靈昌 緊王世充置興州世充平廢

鄭州滎陽郡雄武德四年置治虎牢城貞觀七年徙治管城土貢絹龍莎戶七萬六千六百九十四口三十六萬七千八百八十一縣七

管城 望武德四年以管城中牟原武陽武新鄭置管州并置須水清池二縣貞觀元年州廢省須水清池以管城原武陽武新鄭來屬有僕射陂後魏孝文帝賜僕射李冲因以爲名天寶六載更名廣仁池禁漁採

滎陽 上天授二年析置武泰縣隸洛州尋省更滎陽曰泰武萬歲通天元年復爲滎陽又別置武泰縣二年省更滎陽曰武泰神龍元年復故名二年來屬

滎澤 望

原武 緊本原陵唐初更名復漢舊

陽武 望本原武城武德四年置

新鄭 望

中牟 緊本圃田武德三年更名以縣置牟州四年州廢隸管州貞觀元年隸汴州龍朔二年來

屬

潁州汝陰郡上本信州武德四年置六年更名土貢絇綿糟白魚戶三萬七百七十萬二千八百九十縣四

汝陰 緊武德初有永安高唐永樂清丘潁陽等縣六年省永安高唐永樂貞觀元年省清丘潁陽皆入汝陰南三十五里有椒陂塘引澗水溉田二百頃永徽中刺史柳寶積修

潁上 上

下蔡 上武德四年置渦州八年州廢西北百二十里有大崇陂八十里有鷄陂六十里有黃陂東北八十里有湄陂皆隋末廢唐復之溉田數百頃

沈丘 中本鄆州領沈丘宛丘唐初州廢以宛丘隸陳州沈丘來屬後省沈丘入汝陰神龍二年復置

許州潁川郡望土貢絹蕉柿戶七萬三千三百四十七口四十八萬七千八百六十四縣九

長社 望本潁川隸汴州武德四年更名來屬州又領黃臺滎彊二縣貞觀元年省入焉繞州郭有隄塘百八十里節度使高瑀立以溉田

長葛 緊有小徑山

陽翟 本畿初隸嵩州貞觀元年來屬龍朔二年隸洛州會昌三年復來屬有具茨山

許昌 上 鄆陵 上

扶溝 望武德四年以縣置北陳州是年州廢隸洧州

臨潁 上貞觀元年省繁昌縣入焉有講武臺本尙書臺馬融講書之地顯慶二年高宗大闕於此更名

舞陽 上本北舞隸道州貞觀元年來屬尋廢開元四年復置更名有鐵

鄆城 望武德四年以鄆城邵陵北舞西平置道州貞觀元年州廢省邵陵西平入鄆城隸蔡州建中二年以鄆城臨潁陳州之澠水置澠州貞元二年州廢縣還故屬元和十二年復以鄆城上蔡西平遂平置澠州長慶元年州廢縣還隸蔡州是年以鄆城來屬

陳州淮陽郡上土貢絹戶六萬六千四百四十二口四十萬二千四百八十六縣六 有忠武軍貞元元年置於許州天復元年徙屯

宛丘 緊武德元年析置新平縣八年省

太康 緊貞觀元年省扶樂縣入焉

項城 上武德四年置以項城鮑陽南頓澠水置沈州并置潁東縣貞觀元年州廢省潁東入項城以澠水來屬

澱水 上建中二年隸澱州興元二年州廢來屬

南頓 上武德六年省入項城證聖元年復置曰光武以縣有光武祠名景雲元年復故名

西華 上武德元年更名箕城貞觀元年省入宛丘長壽元年復置曰武城神龍元年又曰箕城

景雲元年復故名有鄧門廢陂神龍中令張餘慶復開引潁水溉田

蔡州汝南郡緊本豫州寶應元年更名土貢珉玉基子四窠雲花龜甲雙距溪鷺等綾戶八萬七千六十一口四十六萬二百五縣十

汝陽 緊貞元七年析汝陽朗山上蔡吳房置汝南縣元和十三年省

朗山 上本隸北朗州貞觀元年隸蔡州

遂平 上本吳房貞觀元年省八年復置元和十二年更名權隸唐州長慶元年復來屬

上蔡 緊

新蔡 中武德四年以新蔡褒信舒城置舒州貞觀元年州廢省舒城入沈丘

褒信 中天祐中更曰包平

新息 上武德四年以縣置息州并置淮川長陵二縣貞觀元年州廢省淮川入真陽長陵入褒信以新息來屬有珉玉坑歲出貢玉西北五十里有隋故玉梁渠開元中令薛務增濬溉田三千餘頃

真陽 上載初元年曰淮陽神龍元年復故名

平輿 中王世充置輿州武德七年州廢貞觀元年省入新蔡天授二年復置
西平 上武德初置貞觀元年省天授二年分郿城復置尋又廢開元四年復置

汴州陳留郡雄武德四年以鄭州之浚儀開封滑州之封丘置土貢絹戶十萬九千八百七十六口五十七萬七千五百七縣六 有宣武軍建中二年置於宋州興元元年徙屯

浚儀 望故縣陷李密縣民王要漢率豪族置縣自爲令高祖因之復置汴州并置小黃新里二縣貞觀元年省二縣

開封 望貞觀元年省入浚儀延和元年析浚儀尉氏復置有湛渠載初元年引汴注白溝以通曹竟賦租有福源池本蓬池天寶六載更名禁漁採

尉氏 望本隸潁川郡王世充置尉州武德四年廢以尉氏扶溝鄆陵置洧州并置康陰新汲宛陵歸化四縣貞觀元年州廢省康陰宛陵新汲歸化以扶溝鄆陵隸許州尉氏來屬

封丘 緊

雍丘 望本隸梁郡武德四年以雍丘陳留圍城襄邑外黃濟陽置杞州貞觀元年州廢省濟陽圍城外黃以襄邑隸宋州雍丘陳留來屬

陳留 緊武德四年置有觀省陂貞觀十年冬劉雅決水溉田百頃

宋州睢陽郡望本梁郡天寶元年更名土貢絹戶十二萬四千二百六十八口八十九萬七千四十一縣十

宋城 望

襄邑 望本隸杞州貞觀九年來屬

寧陵 緊 下邑 上

穀熟 上隋末縣民劉繼叔據之武德二年置南穀州授以刺史四年州廢